

## 法制

### 衛戍總督呈報規定稽查所章程附章程表告示及呈送執照

爲呈報事竊奉大總統鈞令以南京爲臨時中央政府所在地設有奸匪混跡其間釀成危險之事惹起軍民驚恐大局妨害決非淺鮮前日六合北伐隊司令官張承標入城領鎗械去陸軍部不遠地有人突以手鎗擊之幸誤中馬車玻璃人未受傷又聞花牌樓之軍士以食湯元中毒死者二十餘人似此情形是已有奸匪源源挾炸鎗毒物而來其爲禍有不可思議者昨經參議院咨請前來應由衛戍總督妥訂檢查章程於入城或他緊要之處設檢查所嚴加檢查以防奸匪而遏禍源再兵士叢集良莠不齊前由貴總督嚴訂條規稽查約束南京秩序較前畧爲恢復惟城內外及下關一帶旅館原所以安寓客商間有無知軍兵成羣亂闖使客商咸有戒心殊非所以安民之道亦希衛戍部多派憲兵或設他法嚴禁種種不法行爲使兵民相安秩序不亂希卽遵照辦理等因奉此查南京爲首都重地斷不容奸宄潛滋擾害大局都城內外四通八達行旅駢喧日前曾在中正街車站檢得炸彈一箱既非民軍所運情實可疑今爲正本清源之計惟有於交通

地點着手稽查嚴密布置庶足以杜匪蹤而防意外現擬於儀鳳門南門及甯省各車站分設稽查所凡旅客行李之經過者均須檢查一過始許放行其餘各城門水關旅客較稀則責成各區衛戍司令官督飭守城守關官兵注意稽查所有特設之稽查所應設官兵業經派定謹擬稽查所章程並表一通發交該所切實施行除分別移行出示外理合將所擬章程及官兵配置表繕呈大總統察核備案再下關商埠旅館繁多近來駐甯軍隊多數出發均必由該處通過難保無口角滋擾之事容另飭憲兵暨北區衛戍兵特別巡查彈壓以維治安而伸軍紀爲此呈復大總統鑒奪施行須至呈者

### 附錄章程

第一條 稽查所專司入城行李之檢查以達維持城內治安之目的應設之處所如左

#### 一 甯省鐵路各稽查所

中正街車站

總統府旁車站

無量庵車站

丁家橋車站

三牌樓車站

二 各城門稽查所

儀鳳門

南門

三 由各區司令稽查各門

太平門

朝陽門

漢西門

水西門

通濟門

第二條 稽查所員兵應視各所事務之繁簡規定其額數詳列另表

第三條 稽查所現在先設立七處其水西門漢西門通濟門朝陽門太平門水關等處

行李較稀暫緩設所責成各區司令嚴飭守城官長照章稽查

第四條 已設之稽查所七處均歸本總督府監察處管理

第五條 漢西門等處雖未設稽查所仍不時由監察處派員前往考察情形以防流弊

第六條 稽查所應委之所長所員均由總督委任其兵士則由各區司令指派歸所長所員督率之

第七條 進城行李檢查訖畫以白(藍)墨以爲憑證

第八條 檢查手續如左

- 一 有護照者須驗其護照是否真實相符確認之後卽行放過
- 二 無護照者檢查之後如無危害可疑之物卽行放過
- 三 檢查行李發見危害可疑之物卽將人物同時扣留交附近之衛戍司令部憲兵部及巡警局審問並將事由卽刻用電話報告總督府監察處

第九條 檢查時對於行李主須格外和平不得藉端擾累

第十條 檢查兵士如有掠取客商銀物許被害之人來總督府控訴立加嚴辦

第十一條 未開各門如將來續開應否設卡稽查臨時再定

附錄表

南 京 衛 戍 總 督 稽 查 所 編 成 表

豐潤門	神策門	洪武門	太平門	朝陽門	通濟門	水關	水西門	漢西門	南門	儀鳳門	三牌樓	丁家橋	無量庵	總統府旁	中正街	區		人員
																分	職	
三處現尙未開										一員				一員	一員	少	所	長
									一員	一員	一員	一員	一員	一員	一員	大	所	員
									六名	八名	四名	四名	四名	八名	八名	尉		兵
									一名	二名	一名	一名	一名	二名	二名			士
									一名	一名	一名	一名	一名	一名	一名			夫
																		役

附錄告示

南京衛戍總督徐爲出示曉諭事現奉大總統令南京爲臨時中央政府所在之地設有奸匪混迹其間釀成危險之事惹起軍民驚恐大局妨害決非淺鮮昨經參議院咨請由衛戍總督妥定檢查章程於入城時或其他緊要之處設檢查所嚴加檢查以防奸匪而遏禍源等因奉此查都城重地門禁宜嚴前此聯軍入城之後僅於輪船馬頭及下關車站派員檢查仍不足以杜流弊日前曾經衛戍兵於中正街車站檢獲炸彈一箱足見私携軍火危險物品往來實所不免自不能不嚴加取締茲經本總督訂定稽查章程特於衝要地點設立稽查所派定所長所員督率兵役認真檢察以維治安除呈報大總統并分別移行指令外合將稽查所章程並表通行宣布仰軍民人等一體懍遵知照毋違切切特示

衛戍總督呈送出入城門執照

爲呈送事竊照都城重地門禁宜嚴各城門啓閉時刻早經總督規定通飭各守城官弁切實遵行惟各官廳局署及各軍隊每有要公於夜間進出城門者從前發給對牌盡人

可以持用殊非慎重門禁之道茲經總署特定一種執照專為出入城門之憑證臨時取用務須填載明白交與守城官弁核驗相符始得放行其從前所發對牌即收回作廢以杜弊混茲謹檢呈新執照二百張伏祈  
 察收發交鈞府庶務處留存備用每用一張並飭填明人馬軍械物品數目並按十日將存根發交總督處存查如鈞府有從前所發對牌應懇即日擲回銷毀實為公便為此備文呈送大總統察核施行須至呈者

南京衛戍總督為發給執照事

據准

稱今有

因公急須 城仰守門官弁驗照左開人員馬匹物件數

目即速放行

計開

官長

目兵

馬匹

軍械

行李

共

共

共

共

共

員

名

頭

件

件

中華民國元年

月

日

門通執行執照存根

字 第

號

南京衛戍總督為發給執照事

稱今有

因公急須 城仰守門官弁驗照左開人員馬匹物件數

日即速放行

計開

官長

目兵

馬匹

軍械

行李

共

共

共

共

共

員

名

頭

件

件

中華民國元年

月

日

門通行執照



陸軍部總長佈告京函文件須署名以明責任文

為佈告事照得稟函文件例須署名以明責任本總長蒞甯以後各處函稟紛至沓來  
多不署姓名假稱別號或用不署名之圖畫名義披閱之下不勝詫異夫言論所出即



任所歸既發而爲言又匿名以卸責曖昧伎倆豈共和國民所宜出此茲特明白佈告凡有真函文件務須著明姓名其不著姓名者概不收受批答此佈

## ✿ 紀事 ✿

### 外交部致北京德公使止勿借款與清西文電譯稿

近悉瑞記已允借款於清政府此項借款實足破壞中立民國政府不能承認茲特申明此種態度之危險前以此故曾啓社會對德之惡感爲民國政府所解免若此類事端時常發見其結果如何吾輩亦未能擔其責也請貴公使細加斟酌

### 外交部總長致駐甯日本領事任保護之責函

敬啓者煙台光復伊始一切部署尙未就緒恐有不法之徒乘機擾及外人生命財產本部已屢電該管地方官力任保護惟恐貴國人之在煙台者未及週知擬請由貴領事轉達駐烟領事將鄙意宣告務須嚴守中立所有外國人生命財產由我民國軍政府担任完全保護爲此函懇並派部員陳治安君踵謁面商一切端此敬請政安外交總長王寵

惠頓首

## 外交部接煙台都督准煙日領聲明無反對民軍之意電

外交總長王鑒頃日本領事向敝處外交部云現接駐甯日領事電囑嚴守中立等情竊煙台獨立後敝領事實無反對民軍之處乞爲聲明云云特此據情轉電請爲查照護理  
都督虞叩麻印




# 臨時政府公報

# 附錄

中華民國元年二月十三日星期二

隨報附出 不另徵費



## 電報

湖北黎副總統湖南譚都督江西馬都督安徽孫都督鑒據鹽政總理張謇電稱日來派員向淮南各鹽商剴切曉諭力任保護令其暫照舊章先繳課釐源源掣運以濟湘鄂西皖四省民食再四譬解各商已承認即日開運并先籌繳課釐銀三十萬兩此項收入內除付各洋行運脚二十一萬餘兩外可以供陸軍之支給正在督促進行忽西岸運商呈稱接江西電奉都督諭每票派借三千兩同時又接鄂岸運商呈稱有鄂運政府所派梅委員在揚州設立催運淮鹽公所照會鄂岸鹽商凡啓運之先應在該公所報明花名及鹽斤數目并由該公所繕發護照等情又據財政部派員以安徽某軍隊派員自運牙鹽自賣與滬軍府所許太和公司爭訟事甫解商詢如何貼補太和公司辦法兩日以來積案三端關涉三省以致商情惶惑又生觀望元月三十日二月一日曾通電四省都督

將敝局規畫辦法詳細聲明請其力任保護迄今未得電復商人更滋疑慮可否籲懇總統電屬湘鄂西皖四省都督凡關於淮鹽運赴各省一須切實保護二運鹽暫仍舊章免令各商認繳借款及報効銀兩三各省督銷仍由敝局派委將來所收課釐加價復價雜捐等款仍按舊章支配其指抵洋債及賠款者分別照向章撥交就近稅務司并將上開辦法切實電復敝局即據以宣布等語按張總理上開辦法一以解釋鹽商疑慮一以消除外人干涉且辦法既歸統一各省所得鹽稅源源有着抵借亦可措辦而民食不致缺乏若復政令歧出使鹽商裹足各省將以求多反致見少就大局計固覺困難為各省計亦殊失算民國成立首在育統一能力欲求統一必各都督合顧大局不分畛域方有實效所望各省共扶大局不獨鹽政一端之幸也即懇電復總統孫文叩（南京電）

廣東陳都督鑒省會陽電挽留執事為正任都督取消有期代理之約海內外各界亦均挽留等語粵為東南要地現時秩序未復人心未安執事苦心經營深洽人望當為地方勉留即以大局計無論和戰如何粵亦為最有力之後援豈可無人以資鎮懾前已屢電申明今省會來電亦同此意可知謀百粵之治安實難於求北伐之大將現所部精銳成

行卽亦無虧初志顧桑梓以安全局責任有在貴能審其重輕非獨文一人之厚望也專佈卽復總統孫文佳

(南京去電)

急南京孫逸仙先生黃克強先生上海伍秩庸先生鑒瑞昨日率兵到保二次電奏想有所聞政體解決已有端緒善後手續自應預籌鄙見宣布共和之日兩方政府同時取銷臨時大總統并須預行推定至臨時政府必要人員及臨時政府暫設地點應由全體公同商定卽以退位之時爲共和臨時政府成立之日庶統治機關不致曠時兩方不致陷於無政府之危險諸君如以爲然卽請將應推之大總統及臨時政府必要之人員與地點迅速電示俾與北方軍界公議免相猜疑現在南北軍民均盼解決望將善後綱領指示以便催促宣布瑞才疏身弱毫無希圖俟國利民福之目的達到後當卽解甲歸農藉藏鳩拙區區微忱統希鑒原段祺瑞謹

(保定來電)

南京孫大總統鈞鑒陳競存君督粵秩序漸復人心以安前以其決意北伐曾電奉介紹堪勝粵督任者四人擬魚目開正式選舉支日本會接馮君自由及都督府接大總統各電知齊廷退位將有成議北伐粵軍可遣偏師毋庸大將親行力囑本會挽留陳督切勿

改選以亂人心經於歌日開特別會議全體表決仍舉陳競存君爲正任都督取消有期代理之約經備正式公文知會在案海內外各界亦均挽留請鈞處再電競存君勿萌去志以定危亂而維大局和議如何並祈賜示粵省會陽印

(廣東來電)

急南京大總統武昌副總統上海議和總代表各省軍政府大都督軍政分府前敵各軍總司令各路招討使上海各報館鑒聞此次和議內有清帝仍居北京不去帝號王公仍舊要爵之條此耗傳來全粵憤激溯我漢族主張共和政治以烈士殉身壯夫捨命逮夫武漢倡義各省響應幾許之膏血費幾許之金錢不外爲購求共和剷除帝制今者北方各軍既允聯合共和主義亦稱贊同自應一致進行迫令清帝皇族退位離京與衆生平等然後民國可得成立若使帝號世襲貴族仍存姑勿論世界之大無此共和試問業經獨立業經流血之數十行省士民其所以忍此顛沛流離是豈爲此虛僞之結果近據皖省前敵軍報倪嗣冲所部尙節節進攻一面言和一面作戰袁氏雖狡安能愚盡天下倘依前條條件言和難保彼方軍隊隨機布置萬一不備必遭反噬如大局何如漢族何想諸公遠矚高瞻未必能爲所惑清帝不去猛攻莫懈粵與幽燕雖間南北然盈盈一水指日可渡行當鑄造精銳以我嶺東數萬軍人血肉爲真共和之代價甯陸沈中國決不忍見此非驢非馬之國體爲天下笑也爛明庚

(粵省來電)

本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰令示曰紀事曰抄譯外報曰雜報其子目  
見前
- 四 本報日出一冊如遇國家紀念日星期日政府停止辦公時本報亦休  
刊一日
- 五 政府對於各地所發令示或宣布法律凡載登本報者公文未到以本  
報到後爲有效
- 六 凡各官署皆有購閱本報之義務唯具印文請領者皆照定價五折徵  
納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

上海 民立報

大共和報

時報

申報

新聞報

天鐸報

時事新報

啓民愛國報

神州報

中外日報

廣州 中國日報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠



## 教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷誦良用慙焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

### 總統府秘書處白

府內財政部羅蔡失去符號茲亟登報聲明自後如有佩用羅蔡符號者門衛得阻不令進此白

### 本報廣告

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦依始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督府件如有號外附錄則似無此種屬雜之患也

特 白

● 本報特白 ●

本報因開辦伊始發布各件不多故報材未富自後政令日繁表示自夥應儘所有掲載固無頁數多寡之限制也

● 本報特白 ●

本報開辦伊始趕急排印出版手民過於動勞茲定星期一休息一天